

6. maj 2016

Kalaallit Nunaanni aalisakkat qaleruallillu tunisassiassatut qaqinneqartartut igitaqarani tamakkiisumik tunisassiarineqartarnissaat anguniarlugu Naalakkersuisut UPA2017-mi nassuiaammik saqqummiusseqqullugit peqquneqarnissaannik Inatsisartut aalajagiiffigisasaattut siunnersuut.

(Inatsisartunut ilaasortaq Jess Svane, Siumut)

Kalaallit nunatsinni aalisakkat qaleruallillu tunisassiassatut qallorneqartut igitaqarani tamakkiisumik tunisassiarineqartalernissaat pisariaqarluinnalersimasoq pillugu Inatsisartunut ilaasortap Jess Svane Siumut Inatsisartut aalajagiiffigisasaattut siunnersuutaa Siumumit imaattumik oqaaseqarfigissuarput.

Nunatsinni inuussutissarsiutit pingaarnersaat tupinnanngitsumik Inatsisartuni initoorujussuarmik ukiorpanngortuni eqqartorneqartarpoq, aamma taamaattuartaavaoq naleqqussartuarneq saneqquneqarsinnaanngimmat.

Ilumoorpoq immatta tunniussinnaasaanik atorluaanngippallaarujussuaqaagut, sineriarujussuarpullu eqqarsaatingalugu qallorneqartut annertusinerisigut tunisassiortut ineriartortsitsinissaminnut soorunami sapiissuseqarnerulertussaapput, qulakkeerunikku nutarterinissaminnut imminut akilersinnaasumik tunisassiassaqlutik.

Ileqquliutiinnakkattalu ilagaat tunisassiarisinnaasatta ilaat eqqaannariarlugit asseqqinnai nunatta avataaniit tikerartitatsinnut ilannguttaratsigit, uffa nammineq sinnilissuarnik peqarluta tunisassiarerusunngisatsinnilli.

Taamaattumik nammineq aallariarnissamut nangiarsimagutta nunat avannaamioqativut tamakkuninga atorluaasut ilinniarfigisariaqarpavut, taamaaliornikkummi aattaat angusinnaagatsigit nunatsinni aningaasat amerlanerit kaavviaarnissaat, taassumallu malitsigissuaa suliffissat amerlanerit aamma pilersinnissaat.

Taamatut oqaaseqarluta aalajangiiffigisassatut siunnersuut Siumumit tamakkiisumik taperserparput.

Nikolaj Jeremiassen, Siumut